

氏族典第五百十六卷

屈姓部彙考

廖用賢尙友錄 屈姓

屈臨海宮音楚公族半姓之後楚武王子瑕食采于屈因氏焉又望出河南

屈姓部列傳

周 屈瑕

按左傳桓公十一年楚屈瑕敗鄢師於蒲騷十二年伐絞請無扞采樵者以誘之絞人獲三十人明日爭出楚人覆諸山下大敗之

屈重

按荊州府志楚武王伐隨屈重與令尹闕祁從

屈完

按左傳僖公四年夏楚子使屈完如師屈完及諸侯盟

屈禦寇

按左傳僖公二十五年秋秦晉伐都楚闕克屈禦寇以申息之師戍商密秦人過析隈入而係與人
以圍商密昏而傳焉宵坎血加書僞與子儀子邊盟者商密人懼乃降秦師秦師囚申公子儀息公
子邊以歸

屈巫

按春秋臣傳屈巫字子靈楚申邑大夫

屈蕩

按左傳宣公十二年春楚子圍鄭爲乘廣三十乘分爲左右許偃御右廣養由基爲右彭名御左廣
屈蕩爲右

屈到

按萬姓統譜到楚人嗜芰

屈建

按春秋臣傳屈建字子木楚令尹也屈蕩之孫屈到子夕之子到嗜芰有疾召其宗老而屬之曰祭
我必以芰及祥宗老將薦芰建命去之曰夫子承楚國之政其法刑在民心而藏在王府上之可以
比先王下之可以訓後世雖微楚國諸侯莫不譽其祭典有之曰國君有牛饗大夫有羊饋士有豚
犬之奠庶人有魚炙之薦籩豆脯醢則上下共之不羞珍異不陳庶侈夫子不以私欲干楚國之典
遂不用襄公二十五年薦掩爲司馬子木使庀賦數甲兵十月甲午薦掩書土田度山林鳩藪澤辨
京陵表淳鹵數疆濼規偃豬町原防牧隰臯井衍沃量入脩賦賦車籍馬賦車兵徒兵甲楯之數旣
成以授子木禮也宋向戌弭兵之盟楚人衷甲伯州犁以爲不可子木不從太宰知令尹之將死也
明年冬卒

屈狐庸

按吳縣志狐庸吳臣吳子僚使聘於晉趙文子問焉曰延州來季子其果立乎巢損諸樊闔殺戴吳
天似啟之何如對曰不立是二王之命也非啟季子也若天所啟其在嗣君乎甚德而度德不失民
度不失事民親而事有序其天所啟也有吳國者必此君之子孫實終之季子守節者也雖有國不

立

屈罷

按萬姓統譜罷楚大夫平王命簡東國之兵於召陵息民五年而後用師

屈廬

按萬姓統譜楚白公勝將弑楚惠王王出亾令尹司馬皆死拔劍而屬之屈廬曰子殺叔父而求福於廬也可乎吾聞知命之士見利不動臨死不恐爲人臣者時生則生時死則死是人臣之禮也故上知天命下知臣道其可決乎勝乃內其劍

屈固

按萬姓統譜白公劫惠王置高夏欲殺之從者屈固負王亡走昭王夫人宮

屈侯鮒

按萬姓統譜魏文侯之子無傳翟璜進侯鮒

屈丐

按萬姓統譜秦與韓攻楚敗楚將屈丐斬首八萬餘人

屈宜曰

按萬姓統譜韓昭侯旱而作高門屈宜曰曰昭侯不出此門何也不時吾所謂時者非時日也人固有利不利時昭侯嘗利矣不作高門往年秦拔宜陽今年旱昭侯不以此時卹民之急而顧益奢此謂時紂舉贏高門成而昭侯亡

屈原

按史記屈原傳屈原者名平楚之同姓也爲楚懷王左徒博聞強識明于治亂嫺于辭令入則與王圖議國事以出號令出則接遇賓客應對諸侯王甚任之上官大夫與之同列爭寵而心害其能因讒之王怒而疎屈平平憂愁幽思而作離騷時秦昭王與楚婚欲與懷王會懷王穉子子蘭勸王行懷王行入武關秦留懷王以求割地懷王怒不聽竟死于秦長子頃襄王立以其弟子蘭爲令尹屈平嫉之子蘭卒使上官大夫短屈平于頃襄王頃襄王怒而遷之江濱披髮行吟澤畔顏色憔悴形容枯槁乃作漁父之詞懷沙之賦懷石自投汨羅以死

漢 屈燕 屈充 屈處靜

按萬姓統譜燕平原太守

按萬姓統譜充偏將軍

按尚友錄處靜祁陽人楚白公之後幼

而悟道寄迹人表凡十二年一旦駕鶴而去

吳 屈晃

按萬姓統譜晃天台人仕吳爲尚書僕射時孫權欲廢和立亮晃諫叩頭流血權不納斥還鄉里後

皓卽位封其子緒爲東陽亭侯弟幹恭爲立義都尉

屈惠

按臨海縣志惠字惠坦晃之子仕本郡太守

屈緒

按臨海縣志緒晃之子以父恩封東陽亭侯官尚書僕射

北魏 屈遵

按魏書屈遵傳遵字子皮昌黎徒河人也博學多藝慕容垂以爲博陵令太祖南伐遂歸太祖拜中

書令出納王言兼總文誥中原既平賜爵下蔡子卒時年七十子須襲除長樂太守進爵信都侯卒諡曰恭少子處珍襲爵處珍卒子車渠襲爵出爲東陽鎮將卒諡曰莊

屈恆

按魏書屈遵傳遵子須須長子恆字長生沈深有局量少纂家業尤善書計太祖初給事諸曹太宗世遷將作監稍遷尙書右僕射以破平涼功賜爵濟北公恭宗在東宮恆領太子少傅恆在官公正內外稱其平真君四年墜馬卒時年五十五諡曰成公長子觀早卒世祖賜其子男爵

屈道賜

按魏書屈遵傳遵子須須子恆恆子道賜少以父任內侍左右稍遷主客進爲尙書加散騎常侍善騎射機辯有辭氣暴疾卒諡曰哀公子拔少好陰陽學年十四以爲南部大人後顯祖以其功臣子拜營州刺史卒子永興襲爵

唐 屈隱之

按萬姓統譜隱之祁陽人少好經史尤精易莊舉秀才爲雷州判官兼攝司馬後攝韶州刺史居官

清儉請託不行

宋 屈符

屈唐臣

屈理

按萬姓統譜符宋人

按萬姓統譜唐臣太原人登科

按萬姓統譜理同州人

屈堅

按宋史屈堅傳堅爲右武大夫忠州防禦使建炎二年金人圍陝府堅引所部救之圍解金人執堅堅曰始吾所以來爲解圍也城苟全吾死何憾叱金人使速殺之後贈三官錄其家五人

屈長吉

屈大方

屈中美

按萬姓統譜長吉廬州人登科

按萬姓統譜大方廬州人登科

按萬姓統譜中美廬州人

登科

元 屈殷

按萬姓統譜殷字子申以總管狄師聖集賢待制李粲薦策試優等特除祕書丞乞便養改信州知事信守王直御史撒理不花交上其績

屈繼平

按平陽府志繼平翼乘人七歲而孤性敏強記至元間鄉舉得程朱爲己爲人之實以爲學者倡門人號曰北城先生

明 屈怡

按萬姓統譜怡陝西人洪武進士

屈昉

按蘇州府志昉字季恆崑山人嘗從軍崇明詩篇傳播爲楊文貞所知文貞問崑山令羅永年季恆安在羅不能答楊曰君尙不識屈某耶羅慚心識之還縣適詔舉經明行修之士羅以昉薦授南海丞十年不調乞致仕有寓庵集

屈伸 屈直 屈銓

按萬姓統譜伸直隸人成化進士

按萬姓統譜直字子伸華陰人成化進士歷都御史

按

萬姓統譜銓字秉衡蒲城人弘治進士任兵科給事中易直通達鯁直不阿爲士林所重

屈亨

按安陸府志亨字必亨由貢授南城縣丞調醴泉在官清白去任之日篋笥惟圖書有田一頃躬率僮僕耕之年八十八卒

屈眞

按重慶府志眞華陽人弘治中知重慶明習律令剛正不私吏民無干法者

屈軼生

按魚臺縣志軼生字庭堯自幼多學識書畫詩賦靡不自成一家乃韜光自晦深處林泉著作雖多人未之見也

屈義

按河南府志義任清苑知縣其地多宦官民久受其殃義至廉幹公直不避權勢宦官斂手避之丁外艱去邑父老數百人詣闕乞留奪情以復留任數年後以不能與時俯仰遂解綬而歸

屈鉞

按萬姓統譜鉞字秉鈞蒲城人正德辛未進士任知府

屈大陸

按萬姓統譜大陸朝城縣人壬子科舉人嘉靖間國子監博士

屈竟顯

按鄆城縣志竟顯字少微邑人好奇博古與邑高士張夢究心五七言詩得朝食不復謀夕或餘升斗卽散給衆人魯共王慕其賢徵之至再顯辭曰王長者吾平生不屈此膝又不可偶見王可若何王以長揖見之叩其所學嘆曰賢士也賜之金帛不受所著有河上人集若干卷

屈作

按畿輔通志作華陰人歲貢嘉靖間任南和令歲大饑人相食盜賊蜂起作多方賑救賴以安全

屈可賢

按畿輔通志可賢陝西人由舉人萬曆末任南路通判有遺愛於民士民追思之不忘請祀於西城

學宮名宦祠

古今圖書集成
屈登

按河南府志登辛店里人性倜儻疎財仗義人有難必周之會歲大飢登出貲酌與費錢數百千又辛店瀕伊河行旅爲艱登夏修善船冬修善橋四十餘年不輟

屈起鵬

按廣東通志起鵬字圖南番禺人家貧力學年三十餘始補諸生未四十喪妻卽不娶獨居斷慾五十餘年杜門著述凡十六赴省試不得解至九十餘猶設帳講學年九十八卒

屈輜

按常熟縣志輜字良載舉人授瑞州府推官任二載多治績郡有冤獄將寘重典輜得情釋之忤上官遂拂衣歸郡民爲之立祠

屈灼

按陝西通志灼字青門蒲城人萬曆甲戌進士授陽曲令轉廬州通判尋擢太僕寺丞歷戶部郎中陞右通政因忤時宰出爲河南兵備副使不赴棄官歸

屈鍾嶽

按陝西通志鍾嶽字毓秀蒲城人萬曆壬子舉人爲太原令清慎敏捷轉光祿署正遷比部員外郎擢大同知府未幾卒族櫬歸里行李蕭然

屈受善

按陝西通志受善字我虛直曾孫萬曆乙酉舉人知晉州惠義著績起復定州擢真定同知司儲上谷以才幹聞致仕卒

鬱姓部彙考

凌迪知萬姓統譜 鬱姓

鬱太原宮音與蔚姓通

鬱姓部列傳

明 鬱讓

按萬姓統譜讓山東人正德中任潁川衛知事

蔚姓部彙考

凌迪知萬姓統譜 蔚姓

蔚音彌

蔚姓部列傳

周 蔚翰

按萬姓統譜翰見左傳

蔚姓部彙考

廖用賢尚友錄 蔚姓

蔚琅琊羽音左傳鄭大夫蔚翩之後一云尉姓

蔚姓部列傳

宋 蔚興

按宋史蔚昭敏傳昭敏父興事周世宗數戰伐有功又從太宗平太原終龍尉都虞候

蔚昭敏

按宋史蔚昭敏傳昭敏字仲明開封祥符人自東班殿侍選隸襄王府帝卽位授西頭供奉官累遷崇儀使冀貝行營兵馬都監契丹以五千騎突至冀州城南昭敏帥部兵與戰敗之咸平四年領順州刺史又爲鎮定高陽關三路先鋒契丹入寇昭敏追至莫州東斬首萬餘級拜唐州團練使累遷至殿前副都指揮使保靜軍節度使卒贈侍中

明
蔚綬

按萬姓統譜綬合肥人秉心淳實履行端方洪武中擢戶部主事尋遷員外郎克著能聲舉陞山西參議永樂初召拜禮部侍郎益厲勤恭洪熙初陞尙書宣德中致仕卒遣官諭祭爲營葬事

蔚能

按萬姓統譜能朝邑人以吏員授光祿寺典簿歷陞本寺卿進禮部右侍郎以忤旨調南京在光祿三十餘年未嘗持禁轡回家上疏請查入內供應器皿詔下獄問所由能謂同寮曰上怒不可測能老矣當獨任之勿累諸公也既受責降未嘗有後言人尤稱之

蔚春

按萬姓統譜春合肥人弘治進士性狷介於人不苟合任兵科給事中清白一節當時雅重之

蔚昶

蔚鍾

蔚元康

蔚繼

按萬姓統譜昶宛平人正德中涇縣知縣

按萬姓統譜鍾字萬鍾河南延津人嘉靖丙辰進士

歷郎中

按萬姓統譜元康字良甫宣武人嘉靖壬戌進士歷太僕寺少卿

按棲霞縣志繼

宗臨汾人監生嘉靖二十八年任主簿

蔚三德

按汶水縣志三德庠生尙義樂善萬曆間大飢捐粟三百餘石以救飢民賊刦其財八百餘金爲捕役所獲悉釋放之生平行誼類如此

蔚之瑚

按合肥縣志之瑚合肥人精岐黃崇禎辛巳大疫普施藥餌全活甚多

蔚文炳